

玉海

一
函
五
冊
函

玉海卷第一百九十五

浚儀王應麟伯厚甫

祥瑞

宋符瑞志云夫體睿窮幾含靈獨秀謂之聖人所
以能君四海而役萬物使動植之類莫不各得其
所自中智以降則萬物之爲役者也易曰河出圖
洛出書聖人則之符瑞之義大矣

天瑞

日月

少昊日五色

尸子少昊邑於窮桑日五色互照田家子少昊金

天氏邑於窮桑天開日五色丕照窮桑禮斗威儀

政太平則日五色隋志君乘土而王日五色春

秋元命包代殷者姬昌日衣青光

堯日月如合璧

宋志帝堯在位七十年景星出翼鳳皇在庭日月如
合璧五星如連珠朱草生嘉禾秀甘露潤醴泉出厨
中自生肉其薄如筴擺動則風生名曰筴脯草夾階
而生名曰蓂莢

漢日再中 日中有王字

志文帝十七年，新垣平言候日再中，居頃之日，尙復中，於是更爲元年，令天下大酺。易辨終論日再中，鳥連嬉仁聖出，擇知時。帝王世紀又望氣經文帝時，日中有王字。春秋緯君應陽，君臣和，得道度，則日含王字。冊命元龜文十五年春，黃龍見成紀，又日中有王字。太蕩鄭錫有賦，日再中。

漢日宣重光

兒寬傳：元封元年，從登封泰山，兒寬上壽曰：癸亥宗祀日，宣重光。注：李奇曰：太平之世，日抱重光，謂日有重日也。符瑞圖曰：日外一暈，更赤也。郊祀歌：月穆穆以金波，日

華耀以宣明

漢日月如合璧

見太初歷

晉日有重暈

紀武帝太康元年春正月己丑朔五色氣

一作冠日

是歲三

元帝日有重暈以爲中興之象

志建興五

年正月日有重暈左右有兩珥陳卓

觀臺

日當有大

慶三月而江東改元建武

唐日重輪 月重輪

開元十三年十一月禪社首五色雲見日重輪十八

年六月甲申沁州奏月揚光五色

張說月重輪頌

月之重輪示我金鏡璧采內澈環規外映

見十九瑞

潘炎日抱戴賦景龍元年四月二十七日皇帝初

臨上黨日抱戴表至聖之無二呈繼照於明兩陽光

杲耀抱黃道而再中喜氣氤氳戴赤霄而直上月

重輪賦八月十有四日夜月重輪金波耀景璧彩揚

輝兩耀齊美一人之慶韋展日月如合璧賦珥作

如虹之氣波爲旁達之華李嶠賀日抱戴表樞紐

薦符勾芒錫壽

粲玉葉以繁布抱金輪而半出越五馳聲超三表聖

臣如雲君並日

慶雲抱日賦

日者君之德雲者臣

之狀彼無私以臨下此竭誠而奉上

黃雲捧日賦

黃雲抱日輔臣納忠

援神契

唐日五色

開元二十五年十一月青州奏日光五色長慶元年
五月饗太廟畢出朱雀門中路日抱珥五色宰臣稱

賀正元十二年進士試日五色賦

李程

景德日有五色雲

景德四年九月壬辰日下有五色雲祥符二年十一
月丙寅日上有五色雲八年三月癸卯日有赤黃承

戴氣至和二年正月十二日日傍有五色雲淳熙七
年正月甲寅輔臣奏前月二十八日日有戴氣太史
奏君德垂於天爲萬民愛戴則有是瑞是日乃便殿
議蠲稅之時八年元日朝德壽宮次日太史奏日有
戴氣又次日雪日韓琦家傳天聖五年初臨軒試進
士公名在第二太史奏日下五色雲見左右從官賀

殿上

土日重輪

天賦

三

年

一

具

也

日重輪

祥符元年十月辛亥封禪日重輪三年閏二月壬子
翰林天文邢中和言正旦至二月終日珥赤黃者十

七青赤者九冠氣八承氣六戴氣五日有黃色二五色雲見一背氣三占曰國家有大慶之兆願進賢恤刑治兵經武其間背氣宜謹邊防上嘉之四年二月祠后土月重輪天禧三年十一月己巳月重輪元符二年日重輪製重輪二旗

天禧日有戴氣

天禧元年三月甲寅日有戴氣文暈連環三年六月己丑日有赤黃冠承戴氣八月丁未日上有五色雲暈珥戴氣十一月己巳齋于太廟日有赤黃珥承戴氣

淳化五年十二月戊寅朔日當蝕陰雲蔽之羣臣賀日不蝕蓋始於此災不勝德雲爲垂陰賀太陽當虧不虧

瑞星

黃帝景星

宋志黃帝有景雲之瑞有赤方氣與青方氣相連赤方中有兩星青方中有一星凡三星皆黃色以天清明時見於攝提名曰景星符瑞圖景星大星也狀如半月生於晦朔助月爲明爾雅四氣和爲景星

孫氏瑞應圖王者不私人則見

摘輔象照景飲

醴、糞、莢爲曆

謂曆星所照

援神契德至八表則景

星見

堯舜景星

中候堯時天下和景星出翼軫

冊府元龜云出翼宋志同

世紀

舜景星見房

春秋感精符曰堯時

文選任彥升曰五老遊河飛星入昴注論語比考識

仲尼曰吾聞帝堯率舜登首山觀於河有五老遊于

河渚一老曰河圖將來告帝期二老曰告帝謀三老

曰告帝圖四老曰河圖將來告帝符五老曰河圖推

龍銜玉繩歌訖五老爲流星飛入昴

注入昴宿復爲

星
文王五星聚房

禮大宗伯疏二十八宿隨天左轉爲經五星古旋爲緯案元命包云文王之時五星聚房 金陵驗異錄

五星聚有三周將伐殷聚房齊威將伯聚箕漢高入秦聚東井周漢以王齊以伯 春秋元命包殷五星聚房房者蒼神之精周據而興 中候文王在豐九

州諸侯咸至星聚於房 晉中興垂象記武王伐紂五

星聚房漢祖入秦亦聚東井所謂先天弗違 宋志

文王孟春六旬五緯聚房昭理四海 又見鳳類

漢五星聚東井

高紀元年冬十月五星聚于東井沛公至霸上注如淳曰張蒼傳云高祖十月至霸上故以十月爲歲首應劭曰東井秦分野五星所在其下當有聖人以義取天下占見天文志天文志凡五星所聚宿其國王天下從

歲以義從熒惑以禮從填以重從太白以兵從辰以法五星若合是謂易行有德受慶改立王者掩有四方子孫蕃昌漢元年十月五星聚于東井以歷推之從歲星也此高皇帝受命之符也故客謂張耳曰東井秦地漢王入秦五星從歲星聚當以義取天下秦

王子嬰降以屬吏閉宮封門約法三章民亡不歸心
可謂能行義矣天之所予也五年遂定天下卽帝位
此明歲星之崇義東井爲秦地明效 劉向傳漢之
入秦五星聚東井得天下之象也 張耳傳甘公曰

漢王之入關五星聚東井東井秦分也先至必王楚
雖彊後必屬漢 魏高允傳崔浩集諸術士考校漢

元以來日月薄蝕五星行度允曰案星傳金水二星
常附日而行冬十月日且在尾箕昏沒於申南而東
井方出於寅北二星何因背日而行浩曰果如君語
以前三月聚東井非十月也 論都賦杜聚五星於

東井提干將而呵暴秦 西都賦係悟東井之精

西京賦五緯相叶旅于東井 王命論西入關則五星聚

漢德星 壽星 信星 景星

郊祀志元封元年武帝封泰山還至甘泉其秋有星

孛于東井後十餘日有星孛於三能望氣王朔言後

獨見填星出如瓜史記作填星 符食頃復入有司

皆曰陛下建漢家封禪天其報德星云卽填星也來年冬

郊雍五帝還拜祝祠泰一贊饗曰德星昭衍厥維休

祥壽星仍出淵耀光明信星昭見皇帝敬拜泰祝之

享樂志郊祀歌天門十一星留俞塞隕光照紫幄

珠熒黃景星十二景星顯見信星彪列象載昭庭日
親以察參伴開闔爰推本紀天文志天曜而見景
星者德星也其狀無常出有道之國孟康曰有赤方
氣與青方氣相連赤方中有兩黃星青方中有一黃
星凡三星合而爲景星也填星所居國吉五星同色
天下匿兵百姓安寧白虎通景星大星也常見可
以夜益於民人也堯在位七十載景星出翼世紀舜
景星耀於房文選注河圖龍文曰鎮星光明八方
歸德黃帝占云壽星色黃見則人主壽昌

天文志太漢客星守招搖

天文志太初中星孛于招搖星傳曰客星守招搖蠻夷有亂民死君其後漢兵擊大宛斬其王招搖遠夷之分也天官書越之亡熒惑守斗朝鮮之拔星弗于河兵征大宛星弗招搖

漢燭星見奎婁

志元鳳五年燭星見奎婁間占曰有土功其六年正月築遼東元菟城二月度遼將軍范明友擊烏桓還漢五星出東方

趙克國傳宣帝賜克國進兵璽書曰今五星出東方中國大利蠻夷大敗太白出高用兵深入敢戰者吉